

## **‘L PONT ‘D SAN MO’**

L’è n’arcancel campà tra le doe rive  
‘l pont che a conta tuta nòsta stòria  
dij di passà, ‘dle tante ore ‘d gloria  
che a giuto a continué, che a giuto a vive.

E, sota chiel, l’eva ludenta a passa  
ciosonand fra le piante , a carèsse-le,  
portand ans l’onda feuje barivele  
contand la stòria bela ‘d nòsta rassa.

‘L fium a va : drinta se specia ‘l cel  
e drinta a chiel se specia l’esistensa,  
coma un savi caria d’ani e ‘d passiansa  
‘l pont l’è li, temprà coma l’assel....

*Pier Carlo Maschera*

